monatliche Erscheinung

Juni 2021

von Helen Alba

E Malleer war passiert - Mit elf Johr schun Taafgoth

Es war vor 60 Johr! Ich war selmols noch e halwes Kind. Weil ich awer schun speise gang (Erschtkommunion) un gfermt war, sin ich als Taafgoth angered gin. Na, des war selmols e nit alltägliches Ereignis un ich muss wohl vor lauter Stolz de Kropp recht hoch getraa han. Un de Taafpath, des war de Pheder, phaar Johr älter wie ich. Un iwerhaupscht, der Pheder hat mer ganz gut gfall. Un was mich noch ausser Rand un Band gebrung hat, es Taafkind is uf mei Vorname getaaft gin un war ab selmols e kleeni Helli.

Natierlich han ich vorher vill iewe misse. Es Glaubensbekenntnis hat jo sowieso gsitzt. Awer ich han misse prowe, for die Fragen, die de Pharrebatschi bei der Taaf stelle tut. Dann hat mei Mutti mer e rosarotes Seidekleid genäht. Mit villi Schampodle un drufgenähti Bliemcher. Solchi han ich ach als Kränzle uf die Flaschenlockne gsetzt kriet. Un ich han doch gewisst, dass Path un Goth noh dere Taaf Zucker in eem Stanitzl angetraa han. Selmols hat mer de Zucker/Bombons jo noch nit in Staniol oder sunscht Papier ingewickelter zu kaafe kriet. In meine drei Tuutle war allerhand vermischt: Milch-, Seide-, Honich- oder Obstzucker. Des war alles so ufregend un in der Nacht vor dere Taaf han ich bal gar nit inschlofe kenne.

Un schun war de ereignisvolle Tach do. Die Taaf war an eem Sunntach Nohmittach. Wie ich gsiehn han, dass vill Leit in de Kerchebänk gsitzt han, han ich schun bissl Herzkloppe verspiert. Doch kuraschiert han ich alles richtich gemacht. Die Leit han sich noh dere Taafzeremonie im Kerchehof links un rechts ufgstellt. Vorewech is die Hewamin mitm Teifling, hinenoh ich un de Pheder, jeder mit seiner Tuutl mit Zucker, gang. Nor een Weib is in der Kerch, gleich newer der erschti Bank, stehn geblieb. Des war es so genennti Mala, e behinderti Frau (was ich domols jo noch nit gewisst han). Natierlich han ich ere mei Tuutl hingstreckt. Es Mala hat mit eener Hand mei Hand mit dere Zuckertuutl gsteibt un mit seiner anri Hand in die Tuutl gegriff, sich e ganzi Gaschl voll Bombons ghol un vun dem Dricke is die Tuutl verpatscht un de Zucker hat sich ufm Bode verstreit. Mei Träne sin gerunn, ich han nit gewisst, was ich jetz mache soll. Doch die Mutti is gleich mit eem anre Stanitzl kumm, hat mich getreescht un gsaat: "Macht doch nix, mir han Zucker genuch"! Un ich war wieder froh un zufriede.

Johrelang sin ich zum kleene Helli un han em es Gothesach an Weihnachte un Oschtre getraa. Derdriwert war ich ach immer stolz, weil ich mich mit meiner Mutti berot han, was mer dem Kind am beschte schenke kann, for dass es sei Freed dran hat!